



## Universitätsbibliothek Paderborn

**Theophili Bernardini E Societate Iesv De Religiosæ  
Perseverantiae Præsidiis Libri XI. ...**

**Bernardin, Théophile**

**Antverpiae, 1622**

5. Eadem veritas è conditione naturæ probatur.

[urn:nbn:de:hbz:466:1-47032](#)

## C A P U T V.

*Eadem veritas est conditione naturae probatur.*

**O**mnia rerum unum summum est principium Deus; ipse principio carent, a se sua omnia, hoc est, se ipsum habens, infinitus, interminus, absque tempore, tempora omnia sua æternitate complectens: sic autem a se ipso, & non aliunde est, ut solus ipse a seipso sit, nec esse res ultra possit, quæ vel se totum, vel sui partem ullam a se habere possit; sed id omne quod sunt, pars omnis, & facultates singulae, idque ipsum quod perseverant & permanent, non tantum a Deo est, sed a sustentante Deo perpetuo continenturque conseruantur, & in suum protinus redibit nihilum, ubi Dei ope conseruante priuabitur. Hinc sit, ut ipsis etiam inanimis rebus, nihil magis necessarium esse possit, quam ut Deum præsentem & conseruantem habeant: nihil illis infelius fingere vel optare possumus, quam si eas a Deo, vel Deum ab illis recedere fingamus, quippe illic ab illis omne bonum & perfectum recederet, penitusque esse desinat. Erenim summum id bonum, quo sensu carentia perfici possunt, non aliud est, quam hoc ipsum quod sunt; hoc ipsum autem nisi Deo dante habere, conseruante conseruare non possunt, ideoque si se ab eis sustentatrix manus illa diuina subduxerit, omnia illis bona uno momento pereunt, simulque & esse & bene esse desinunt, cum non alium boni sensum quam ipsum esse habeant.

Iam, ut ad hominem cognitione & ratione præditum gradum faciam, ea sorte, tamque felici conditione cum condidit, ut animum hinc quidem immortalem esse voluerit, inde vero summa beatitatis, ipsiusque diuinitatis capacem, qui ad ipsum usque Deum, si velit, prouochi possit: hic beatæ perennitatis incundissima est & certa possessio, quando bonis omnibus mens cumulata, fit unus cum Deo spiritus; si quid inest tenebris osculum, instabile, imperfectum, a luce, immutabilitate, perfectione diuina absorptum, in ipsum quodammodo Deum transmutatur, illo viuit, gaudet, fruatur, nihilque sui sentiens, se toto in illum transiit. O beatam nascendi conditionem, si qua liberalitate datur, eadem cautione seruatur! nunc autem ad beatitudinem apti, nati; ad sempiternas misericordias manibus, pedibus, nitimus. Quid enim omne bonum, perfectum, conueniens, ita continentur a Deo est, ut unde recesserit Deus, ibi nihil istorum reperiatur: ad eum ergo accedendum, ut ab eo id quod perfectum est hauriatur: & quidem rebus cognitione carentibus, non alia est ad Deum accessio, quam naturaliter subesse; nec enim aliud est illis bene esse, quam ex natura esse. at cognitione præditis, cum ea sit proposita beatitudo, quæ voluntate & cognitione perficitur, erit etiam ad Deum voluntate & cognitione accedendum; & non nisi voluntate ac cognitione recedetur.

Aa

Ac-

Accedimus autem cognitione & voluntate, quando cognitione & voluntate subsumus: eo que vicinius accedimus, & copiosiora ex vicinitate bona haurimus, quo perfectiore cognitione, propensiore voluntate accedimus & subsumus. Veritas in cognitione, obedientia in voluntate reperitur: in quibus si falsitas, si inobedientia dominaretur, quis non videt, non posse id, nisi à summa veritate, summa potestate esse alienissimum?

Quæ autem est ista, qua subsumus, qua ad Deum accedimus veritas: nisi quæ verè, in certè clare que cognoscimus, nec initium, nec motionem, nec permanitionem, nec ullius boni partem ullam à nobis esse posse; omnia vero, usque ad ead à Deo bono esse nobis expectanda, ut nusquam aliò respectemus, de alijs omnibus diffidamus, illi soli nos totos, nostra omnia, ingenti cum fiducia committamus, omnium rerum, conatum, consiliorum felicem, & æternitati prosperum exitum ab eo expectemus, in eumque referamus: quo fieri, ut in eum solum spes nostra respectet, in eum solum nostertotus amor adipiceret, desideria suspirent, actiones, cogitata, consilia omnia ferantur? Inde sanctissimus rerum omnium procreatarum, suiq; etiam ipsius, & amor simul & contemptus; amor ut Dei sunt, ut Deus in illis est, vel per illas ad se perueniri vult, aut etiam in illis, diuinæ illucenti maiestati, mandatisse seruitur: simul etiam contemptus maximus, quoties illæ seorsim à Deo solitarièque, ex eo solo quod sua vi illis competit spectatæ, agnoscuntur, unde cumque omni bono, pulchritudine, viribus, efficacia, perfectione, potestate, laudisque materia destitutæ; in ruinam, miseriam, & malorum extrema prouidentes; nec sibi, nec aliorum cuiquam opem ullam, oblationem, commodum, honorem, aliudque optrabile quidquam sufficere valentes. Vnde fit ut nihil propriè ab illis timendum, sperandum nihil, nihil amandum illi homini sit, qui suas omnes in unum Deum cogitationes transtulerit, clarissimaque veritate peruerterit, Dei solius & esse & permanere omnia; & quantumcumque aliquid alicui dederit, donum esse, quod quadam quasi transfusione in alium extenditur, attamen ita semper & summo iure Dei est, ut nullam eius partem quasi suam sibi vendicare, nihil sibi proprium ullibi designate, nullas, nisi dante Deo, ad agendum vires explicare ullæ creatura possit. Hinc Dei solius potentiam, honorem & gloriam, solum illum tuncendum, amandum, colendum, soli illi fidendum, maledictum qui sperat in homine, & alia id genus toties oracula sacra commendant.

Iam vero cum natura sua summe bonus, summe sit liberalis Deus, & occasionem causamque bene faciendi non forinsecus mutuetar, sed à sua infinita bonitate desumat, hæc aurem, quantumquidem in ipsa est, latissime in omnes homines diffundatur; consequens est, ut (quod voluit D. Augustinus) gratia divina denegandæ causa, ab homine, non à Deo; concedendæ verò, à Deo, non ab homine peratur. Etenim liberalis, verax & iustus est Deus; liberalitatèque veritas & iustitia comitantur: at qui veritatem deseris, ô quisquis tuum aliquid putas

putas & dicis, quod Dei tamen est: aduersus iustitiam peccas, qui quasi tuum tibi arrogas, quod est Domini Dei tui. iniustum igitur & mendacem, in donis inquam Dei, acceptisque beneficijs iniustum & mendacem te, nonne iniustum est diuina liberalitate priuari, ijs ipsis multatum donis quibus abusus es? diuina verò liberalitate recedente, in quam extremam rerum omnium inopiam, in quantas misericarum voragine prolabi necesse est? At si exundanti diuinæ liberalitatis flumini te, omni obice remoto, veracem iustumque obuiam dederis, si donorum & bonorum omnium datorem & conseruatorem Deum agnoueris, laudaueris, nec ullam tibi laudis partem clam surripere tentaueris, si hac in verissima cognitione, purissimaque Dei laude perseveraueris; tum demum omnem animum tuum, sensus, facultates tuas omnes, perenniter & abunde circumfluet, occupabit, diuinisque replebit muneribus copiosa Dei gratia, nec desinet in maius perfectiusque prouochere, donec ad extrema perdu&um beato fine coronarit.

Et hoc verè est quod in medio montium per declive conuallium fecundantes aquæ defluunt; hoc, quod misericordia & veritas obuiauerunt sibi: protinus enim vt tuam miseriam, bonorum omnium penuriam, & exundantem in Deo bonitatis fontem agnoueris, veritas misericordiam inuocat, misericordia liberalitatem ciet, liberalitas totis alucis affluit. At si te ipsum quasi diuitem iam & beatum aliquem demirari & suspectare, si quid tibi tribuere cœperis; en tua vallis inani tumore turgescens, in superbiæ caliginosum montem subito mutatur, fluenta gratiæ vel siccantur, vel aliò deriuata transferuntur, sentes, vrticæ, infelix lolium, solique & æterno igninati fructices, arescentem melioribus frugibus mentis agrum occupant, tamque densis spinis horridum, vtili omni humore exsiccum, venenatis radicibus penitissime consitum reddunt, vt melioris quam secutiaræ culturæ, sanctiorisque frugis spem omnem videantur prorsus euellere. adeò pestiferum est huius pessimæ arrogantiæ venenum. Quid ergo summus agriculta, & humanæ salutis amator Deus? ô mirabilem bonitatem! medicinam facit è vulnere. *Quid enim est virtus nisi medicamentum, & quid est lib. 33. Mor. vitium nisi vulnus?* quia ergo nos de medicamento vulnus facimus, facit Deus de vulnere *c. 11. seu 17.* medicamentum; vt qui virtute percutimur, vitio curemur. Nos namque virtutum dona retorquemus in usum vitiorum: ille vitiorum illecebras assumit in artem virtutum, & salutis statum percutit vt seruet: vt qui humilitatem currentes fugimus, ei saltē cadentes hæreamus, vt nos his ijsdem verbis optimè docuit S. Gregorius.

En boni malique scaturigines effossæ patent: quid proclivius & optabilius nobis esse potest, quam vt hac vel declinata, vel magis obstructa, nos totos fonti bonorum cupidè & sitienter applicemus, auidè hauriamus, sobriaque ebrietate bibentes, id vnum à cogitatione non recedat, ex alieno sitim sedari nostram, egestatem ditari nostram, nihilque minus esse nostrum, quam quod ita nostrum est, vt totum ipsum sit alienum. Quid enim nostrum est, nisi pecca-

tum? vnum hoc (ð possessionem inopem! ð infecundam fecunditatem!) à nobis solis est propagatum. Si virtutem, si bonum aliquod habemus, ita nostrum est, vt totum Dei sit, à Deo, in Deum referendum sit: imò verò adeò voluntati à Deo sit, suamque totam originem à Deo trahat, vt prius ab eius voluntate cupiatur, quām cuiquam hominum de illo cogitatio incidat; non est qui sine Deo, accessionem ullam boni promereti valeat, non est qui dare initium, occasio- neò, progressionem ullam possit: quinimò cùm initia, progressum, perfectio- nem ipsam, si fieri posset, adepti fuerimus, si solis nostris acquisiti q; viribus ni- timur, protinus inanescunt omnia, & in euandos abeuntia fumos originarie nos nudirati relinquent.

Quid enim? si ipse nihil sis aliud quām tenebrae, optesq; luce compleri, ad lu- cem accedas oportet: vbi si quando te vndiq; aliena luce fulgentem demiratus fueris, precariu. nque splendore illum ipse tibi arrogaueris, nōnne clarissimè tuum deprehēdes errorem, cùm recessu ab aliena luce tentato, pristinis mo- mento yno tenebris te corruptum exhorresces? ð si tam essent nobis animi, quām corporis oculi, ad hanc veritatem contuendam aperti? quām dilucidè, in hoc ipso arguento nostro, illud idem videremus? etenim vt Deus natura sua est sumnum esse, summa virtus, summa & illimitata perfectio, boni omnis fons, o- rigo, permanens: ita nos natura nostra, origine, virtute propria, & non aliunde hausta, p̄ter nihil, nihil sumus, mera inanitas, bonorum omnium plusquam va- cuitas, in malum & miseriam proclivitas, summa infirmitas, illimitata quædam imperfēctio, quæ à malo in malum, à miseria in miseriam sine limite, sine termi- no rueret. Iam, cùm ad participanda sanctissimi Dei nostri bona, eximio eius fa- uore assurgimus, in quamdam eius similitudinem tamdiu transformamur, quam- diu eius liberalissimæ bonitati, veritate & iustitia comite adhæscimus; at vbi primùm à summo & incomparabili splendore, ad tenuem nostrum fragilēmp; radium oculos detorserimus, sibi quidem semper idem perseverat Deus, arnos ad nostra conuertimur, tenebrescimus, & dum nostra complectimur, nostra re- perimus, peccatum, defectum, omne miseriatur genus.

Heu infelicem, inquis, conditionem! ego verò, ð beatam, si modò bene vi- mur, cognitionem! ð sanctam, si penitus intuemur, consolationem! Bonum enī mihi Domine, quia humiliasti me, mihiq; reuelasti oculos, vt videns penu- riam & infirmitatem meam, veras insimul diuītias & certum robur, inde linenter à diuinæ liberalitatis fontibus hauriam. Quod iustus præbēre solatium egēti queas, quām (cūm suis sibi viribus opitulari nequeat) si ostenderis vbi largè o- mnia in opia subleuandæ dabuntur? quid igitur? cùm fieri non possit, vt iple à me tantillum habeam, & hoc ita sit soli Deo proprium, vt in alium quemquam quadrate non possit, qui enim aliquid à se solo habet, supremo iure, & vi sua sic illud habet, vt neque cuiquam id debat, nec à quoquam id illiceripi possit; imò si à se, & vi sua id obtinet, non est vnde id certo limite coerceri poterit, infinitum erit,

erit, uno verbo, Deus erit: at quoniam Deus unus est, creatura Deus esse non potest, sed vel debet velle esse creature, vel si aliud vult, id vult quod esse non potest; & cum desinit velle id esse quod unum esse potest, in defectum, & in nihilum labitur.

Cum igitur haec ita sint, & ex horum tamē vel ignoratione vel obliuione fiat, vt passim suis arūdineis viribus innixi homines, eo grauiore, quo inexpectatio-  
re lapsū corruant; nōne maximo mihi solatio fuerit, si & infirmitatem meam  
adeō nouerim, vt illā decipi non queam, & aliunde intellectu ingentem auxi-  
liorum copiam mihi diuinitus apparari, tunc tantum defutaram, cum ipse mihi  
consilii fuerit; affuritam semper, cum ipse mihi diffisi fuero, cum spes, cum  
cogitatus meos in Dei bonitatem integrē summissem; transfudero? o magnam  
Dei largitatem lata bona, tam certò profundit, tam facili hac conditione, si id  
norim quod sum, id velim quod possum. At si supra quām sum & possum mihi  
tribuo, prae foribus infirmitas mea est, mihi relinquor, impingo, offendō & de-  
cido, cadensque corrigo, supponente Domino manum suam, vt ipse me cognoscam,  
& ad sustentatorem meum redeam. Et nunquid ista quoque mihi consola-  
tio est, dum sola mea superbia, & non illiberalitate tua, Deus meus, fauores tuos  
impediri audio: & per lapsus meos superbiam meam, quasi minore malo gran-  
dius malum, prouidentissima tua bonitate sanari? Memini equidem, Domine, D. Augu-  
stinus sup.  
quod dixit seruustus, nimia superbia damnari quodam; at neq; peccatoris dā-  
natione delectaris, & superbiam sanari quām nimiam esse mavis, ideoque id, te  
donante conabor, vt neq; nimia sit mea superbia, & misericordia tua & veritas  
tua in conspectu meo sint semper: veritate semper gaudebo, & hāc est veritas;  
Natura miser & omnium sum indigus, nec me ipso alius esse possum: qui à se cu-  
pit ditescere, diuinitatis ambitione stulta laborat. mea ergo paupertate, tuis di-  
uitijs, Deus meus lābor, tuisque ditescam & mea fient, quamdiu non meas,  
sed tuas esse cognoscam, quamdiu in te refundam, mihiq; nihil arrogabo.

## C A P V T VI.

*Quām frequenter ista superbiae labe adspergamur.*

V Ideo e quidem, tantam adhuc dictorum esse veritatem, nemo vt sit lectu-  
rus, quin vt facilem assensum præbiturus, ita protinus obiectus sit, in  
confesso esse omnia, creaturam à creatore secretam, nihil posse, nec esse, aut sa-  
nè rarissimos esse, qui quod Dei est id sibi arrogatum optent, quare nec opero-  
sa, nec longiore probatione fuisse opus; id facilē daturum quemuis, quamuis  
breuiter postulatum, aut positum esset.

Ita fateor prima specie iudicandum à non paucis; fallor tamen plurimū, si  
quid est, quod magis seria commēdatione, accuratiore explanatione, crebriore  
repetitione indigeat; cūm nihil sit, quod verbis fateamur promptius, factis nege-  
mus pertinaciū, crebriū labefactemus, audaciū conuellamus. quid enim? vt